

Xpresa bo mes

noticia@awemainta.com

Tur comunicado o remetido cu ser manda pa AWEMainta mester inclui number, fam y number di telefon di e remitente.
AWEMainta ta keda cu e derecho reduci of edita esakinan pa publicacion.

Segun Antoni Gario

Musiconan lo mester evalua seriamente si ta sigui participa den concurso di SAC

of ta bin cu un festival di Musico pa habri Carnaval net na drempel di 11 di tur november



TA bisto cu no tin seriedad den e organisacion aki! Na yegada no tin ni awa pa e participantenan (atrobe). Nan a logra di pone un « kleeckamer » den otro pa nos, pero : sin stul, sin mesa, sin afschot, sin spiel. 4 muraya y ata kleeckamer. Ora a pensa cu na caminda lo tin awa of algo otro di bebe, nada! Huradonan a yega casi un ora laat. Atrobe a piki pieu pa bailarinanan drenta, dus mester a paga pa nan drenta (e biaha aki 2 cu un ticket segun SAC) cual no a resulta di ta berdad na porta tampoco, segun mi mes testimonio, pa mala suerte di SAC.

Otro punto; bo resultado di e pre final mester determina bo number di presentacion pa e anochi final y no saca lot atrobe. E tan anhela logro di SAC pa pone un VIP a cai na awa danki na e pueblo di San Nicolas cu porfin a rechaza un ofensa asina ki. Tabata tin alrededor di 200 stul pa e famoso VIP riba un espacio di aproximadamente mil persona sin exagera dus un persona of organisacion cu tiki educacion basico lo por sa cu : $200 \times 75,00 = 15.000,00$ y cu $1000 \times 35,00 = 35.000,00$. Fuera di e mal calculo ey (pa duna compania di sonido nan amen) Dios sa pa ki descuento

of fabor, e ridiculidad di VIP pa Calypso tabatin su tras en realidad. A dividi e calor humano cu sa tin tur aña y a crea un bashi den centro di e audiencia, foei SAC. Blunder riba blunder un alrededor di 30 persona so a opta pa « VIP ».

Huradonan: pa mas di un decada a papia di tur Musico mester tin zeggenschap den e scohemento di hurado cu lo ta huzgando nan of pone un representante di cada banda of trek lot entre tur banda pa saca 10 cu lo ta un panel apart di SAC cu lo por tin nan sistema di votacion, onscreen pareu cu e anochi ta progresando. Pregunta na SAC dicon den 2008 ainda no por ta transparente y laga pueblo wak puntuacion di cada cantante riba un bigscreen despues cu el a canta ? transparencia ? no tin. Tur aña tin conkelmento y cambio di puntuacion pa acomoda fulano de tal y nos no por laga fulano de tal afo pasobra FAVOR, FAVOR, FAVOR. Y e berdadero ganadornan tin cu keda satisfecho cu e resultado mientras cu tin un mundo di bagamunderia ta going on ey tras, seriedad SAC un palabra grandi of kizas mucho grandi pa bosonan.

Musico lo kier participacion den nos evento of lo nos tin cu echt hasi algo otro prome cu Carnaval 55 bira un berguena pa mundo. Cuanto mas nos musiconan tin cu tolera prome cu algo wordo hasi. Huradonan di afor lo mester bin pa balanza e desicionnan corrupto actual cu tin. Cu evaluacion di tur banda musical. No por ta asina cu ta inverti tanto tempo, energia y placa den un evento asina grandi pa despues corona otro cancion pafor di e murayanan

di Joe Laveist. Hasta Polis a wordo notifica di e desicion hopi prome cu maestro di cerimonia a hanja e resultado, pa “evita” segun SAC. Ta desicionnan asina ta duna un sabor amargo na e evento cu tur respet pa e cancionnan ganador pero atrobe pueblo lo mester bai hasi e trabao di algun hurado cu no tin e festival di Calypso ni e

pueblo Carnavalesco na pecho. Mi persona a hala un banda pa evita lo peor pero no tabatin tiramento di nada, si a reina decepcion grandi den Joe Laveist despues di e resultado.

Nos mester por yega na un areglo cu ASU, pone un magno evento, yam’e Carnival warm up explosion cu dos banda internacional como opening act.

E ganador di e Carnival warm up explosion lo gana un suma considerabel y tur banda musical lo tin bista riba e entrada pa nos evento, tambe e cancionnan ganador lo ta e roadmarchnan pa Carnaval, SAC mester cuminsa duna nos oido, participacion y respet of perde nan “mulanan di entrada”, esta nos musiconan.